



Broj: 05-4952-4/20
Sarajevo, 28.12.2020. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav 1) tačke n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), člana 69. stav (1) tačka b), stav (2) tačka d) i člana 70. st. (1) i (4) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za javne nabavke iz Zapisnika o pregledu i ocjeni ponuda u postupku nabavke usluga, broj: 05-4952-3/20 od 25.12.2020. godine, direktor Agencije za bankarstvo Federacije BiH donosi

ODLUKU **o poništenju postupka javne nabavke usluga**

Član 1.

Poništava se postupak javne nabavke usluga internog bifea u poslovnim prostorijama Agencije za bankarstvo Federacije BiH, proveden Pravilnikom o dodjeli ugovora o uslugama iz Aneksa II. dio B Zakona o javnim nabavkama, jer primljena ponuda nije ocijenjena prihvatljivom.

Član 2.

Ponuda ponuđača „BREAK“ d.o.o. Sarajevo odbacuje se kao nepotpuna, zbog neispunjavanja kvalifikacijskih uslova utvrđenih u Javnom pozivu za dostavljanje ponuda za nabavku usluga internog bifea u poslovnim prostorijama Agencije.

Član 3.

Ova odluka bit će objavljena na službenoj web stranici Agencije, istovremeno sa upućivanjem iste ponuđaču koji je sudjelovao u predmetnom postupku javne nabavke, u skladu s odredbama člana 70. stav (6) Zakona o javnim nabavkama.

Član 4.

Za realizaciju ove odluke zadužuje se Odjel za opće i kadrovske poslove pri Sektoru zajedničkih funkcija.

Član 5.

Ova odluka stupa na snagu danom donošenja.

O b r a z l o ž e n j e

Odlukom o pokretanju javne nabavke usluga, br. 05-4952/20 od 19.11.2020. godine, odobreno je provođenje postupka javne nabavke usluga internog bifea u poslovnim prostorijama Agencije za bankarstvo Federacije BiH.

Javna nabavka sprovedena je u skladu sa Pravilnikom o postupku dodjele ugovora o uslugama iz Aneksa II. dio B Zakona o javnim nabavkama. U skladu s odredbom člana 7. stav (3) Pravilnika o postupku

odjela ugovora o uslugama iz Aneksa II. dio B Zakona o javnim nabavkama, Ugovorni organ je pripremio i objavio (04.12.2020. godine) Poziv za dostavu ponuda na svojoj internetskoj stranici, te istovremeno isti uputio na tri adrese. Procijenjena vrijednost javne nabavke utvrđena je u iznosu od 81.000,00 KM – bez poreza na dodanu vrijednost (PDV).

U skladu s odlukom ugovornog organa imenovana je komisija za javne nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Dana 21.12.2020. godine, do ostavljenog krajnjeg roka za prijem ponuda (10:00 sati), evidentirana je 1 (jedna) pravovremeno pristigla ponuda, od strane ponuđača „Break“ d.o.o. Sarajevo.

Komisija je nakon izvršenog otvaranja ponude, pristupila pregledu i ocjeni ispunjavanja zadanih kvalifikacijskih uslova, te u procesu evaluacije iste evidentirala određene nepravilnosti u dostavljenoj dokumentaciji ponuđača „BREAK“ d.o.o. Sarajevo, te je ista ocijenjena kao neprihvatljiva za ugovorni organ iz slijedećih razloga.

- Ponuđač „BREAK“ d.o.o. Sarajevo nije ispunio minimalne uslove za kvalifikaciju navedene u:
 - Poglavlju 4. - Tehnička i profesionalna sposobnost, podtačka 4.1 – Definisani uslovi vezani za tehničku i profesionalnu sposobnost ponuđača, tako što je ponuđač dostavio Potvrdu o uspješnoj realizaciji ugovora od strane Centralne banke BiH, br. 150-15-13-2274-2/20 SAK od dana 09.12.2020. godine, u kojoj je kao „vrijeme i mjesto izvršenja ugovora“ navedeno „Sarajevo, 2020. godine“, što nije u skladu sa zadanim uslovom u navedenoj podtački Javnog poziva za dostavljanje ponuda, kojim je traženo da „ponuđač ima uredno izvršen najmanje jedan ugovor u posljednjoj poslovnoj godini (2019. godina) ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 1 (jedne) godine, čiji je predmet isti ili sličan kao što je predmet javne nabavke, a čija je vrijednost, najmanje, jednaka procijenjenoj vrijednosti nabavke“, i
 - Poglavlju 4. – Tehnička i profesionalna sposobnost, podtačka 4.2 – Traženi dokazi vezani za tehničku i profesionalnu sposobnost ponuđača, tako što ponuđač nije dostavio podatke o izvršenom ugovoru na svom poslovnom memorandumu, što nije u skladu sa zadanim uslovom u navedenoj podtački Javnog poziva za dostavljanje ponuda, kojim je traženo da „podatke o izvršenom ugovoru sačinjava sam ponuđač na svom poslovnom papiru/memorandumu“.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno odredbama članova 97. i 101. Zakona o javnim nabavkama (“Službeni glasnik BiH”, broj: 39/14).

Žalba se izjavljuje Uredu za razmatranje žalbi/Kancelariji za razmatranje žalbi – Filijala/ Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.



Dostaviti:

- Ponuđaču u postupku: „BREAK“ d.o.o. Sarajevo
- a.a.

